

Oqaluuserisassanut nassuaat.

(Inatsisartut Siulittaasuat)

Immikkoortoq 139 maanna siunnersuiteqartumit tunuartinneqarpoq. Immikkoortoq ulloq 16. maj, tassa ullumi, siullermeerneqartussaagaluarpoq. Immikkoortup qulequtaraa: Inatsisartut Inatsisaat nr. 20, 27. November 2018-meersup, Inuit Pisinnaatitaaffii pillugit Kalaallit Nunaata Siunnersuisooqatigivi siunertaminnut atornersut nalilersorsoqqullugu, naalagaaffimmut pisussaaffeqannginnera pissutigalugu Naalakkersuisut peqquneqarnissaannik Inatsisartut aalajangiiffisassaattut siunnersuut.

Immikkoortoq 148 maanna ulloq 17. maj siullermiigassanngortinneqarpoq.

Immikkoortup qulequtaraa:

Angajoqqaat erninermi sulinngiffeqarnerup naammassereersimanerani paarsisussarsisisimangitsunut pisortat qanoq ikorsiisinnaanerinut tunngasumik, siunnersummik saqqummiussisussamik, suleqatigiissitaq nalunaarummik suliaqartussamik pileritsisoqarnissaanik Naalakkersuisut peqquneqassasut Inatsisartunut aalajangiiffisassatut siunnersuut. Nalunaarusiami siunnersuut aallaavigalugu pisortanut aningaasatigut suut kingunissaanersut ilaassapput. Suleqatigiissitaq innersuussutini kingusinnerpaamik 1. Januar 2024 saqqummiutereersimassavaat.

Immikkoortoq 108 maanna ulloq 19. maj siullermiigassanngortinneqarpoq.

Immikkoortup qulequtaraa:

Sisimiut Kangerlussuullu akornanni qallersugaanngitsumik aqqusinermik sanaartornermi Namminersornerullutik Oqartussanit inatsisitigut aningaasartutissat pisariallit tamaasa ingerlatsinermi aningaasartuutit kommuunip nammineq isumagissappagit quvakkeerneqarnissaannut Naalakkersuisut peqquneqarnissaannik Inatsisartut aalajangiiffissaattut siunnersuut

Immikkoortoq 145 maanna ulloq 23. maj siullermiigassanngortinneqarpoq.

Immikkoortup qulequtaraa:

Narsami aammalu Kullorsuarmi ilaqtariinnut siunnersortit ukiut marluk suligasuartussanik Naalakkersuisut aallarnisaanissaamut peqquneqarnissaanik Inatsisartunut aalajangiiffisassatut siunnersuut. Suligasuarsimanerit naammassippata naliliiffigineqassapput, nunatta sinneranut siamarneqarsinnaanersoq nalilersornissaanut siunertaralugu.

Apeqquteqaat aallaavigalugu oqallinnissamik siunnersuutit immikkoortut nr. 162 aamma 122 maanna ulloq 25. maj oqaluuserisassanngortinneqarput.

Immikkoortut pineqartut qulequtaraat:

Immikkoortoq 162: Qanoq iliornikkut nunatsinni ujarak sanaartornermi atorluarnerusinnaavarput, qisunnillu eqquissuiuarnerup annertoqisup apparsarnissa anguniarlugu apeqquteqaat aallavigalugu oqallisissiatut siunnersuut, aamma

Immikkoortoq 122: Najugaq qimannagu inunnik isumaginninnermut siunnersortitut ilinniagaqalernissaq anguniarlugu suliamik aallartitsinissamik periarfissaqaleqqullugu Naalakkersuisut peqquneqarnissaannik apeqquteqaat aallaavigalugu oqallinnermik siunnersuut

Apeqquteqaat aallaavigalugu oqallinnissamik siunnersuutit immikkoortut nr. 150 aamma 81 maanna ulloq 30. maj oqaluuserisassangortinnejqarput.

Immikkoortut pineqartut qulequtaraat:

Immikkoortoq 150: Tusagassiorlut kalaallisut oqaluttunik amigaateqarneq qanoq iliuuseqarfigisinnaanerlutigu Oqallisissiatut siunnersuut, aamma

Immikkoortoq 81: Takornariaqarnermik inuussutissarsiateqarnermi akuersissutinik tunniussisarneq qanoq pitsangortissinnaanerippuit aammalu taamatut tunniussisarneq nunatsinni takornarialerisunut naapertuuttumik ingerlanneqartarnersoq pillugu apeqquteqaat aallaavigalugu oqallinnissamik siunnersuut.

Oqaluuserisassani immikkoortut 64 aamma 120 aappassaaneerneqarnissaat qinnuteqartoqarneratigut maanna ullormut 25. majimut inissinneqarput.

Immikkoortut pineqartut qulequtaraat:

Immikkoortoq 64: Utoqqalinersiaqarneq pillugu Inatsisartut inatsisaat nr. 20, 23 november 2015-imeersup allangortinnejqarnissa siunertalarugu Naalakkakersuisut peqquneqarnissaannik Inatsisartut aalajangiiffigisassaattut siunnersuut. Allangortitsinermi utoqqalinersiaqartup aapparisata isertai naapertorlugit utoqqalinersiaqarnissamut naatsorsunneqartarnera atorunnaarsinnejqassaaq, aamma

Immikkoortoq 120: Utoqqalinersiaqarneq pillugu Inatsisartut inatsisaat nr. 20, 23. november 2015-imeersoq kingusinnerusukkullu allannguutit ilanngullugit allanngortinnejqarnissaannik Naalakkersuisut peqquneqarnissaat pillugu Inatsisartuni aalajangiiffigisassatut siunnersuut, utoqqalinersiaqarneq aapparisap isertitai tunngavigalugit allanngortinnejqartarunnaarnissaat anguniarlugu.

Immikkoortut 142, 143 aamma 146 aappassaaneerneqarnissaat Inatsisiniut Ataatsimiititaliap qinnuteqarneratigut ullormut 31. majimut kinguartinneqarput.

Immikkoortut pineqartut tassaapput:

142: Naalagaaffimmii akisussaaffiit sorliit pitsasumik angerlaanneqarsinnaanerinik allattorsimaffimmik imaqtumik Naalakkersuisut nalunaarusiusasut peqquneqarnissaannik Inatsisartunut siunnersuut. Nalunaarusiaq akisussaaffiit angerlaanneqartussat tamarmik immikkut aningaasatigut kingunissaanik imaqqassapput taamatullu akisussaaffiit angerlaanneqarnissaannut tigussaasumik piffissalersorlugit. Nalunaarusiaq

piareereersimassaaq Inatsisartunullu tunniunneqareersimassalluni UKA2024 nallertinnagu.

143: Naalagaaffimmiit akisussaaffiit ullumikkut ingerlanneqartunut suut piginnaasat pisariaqartinneqassanersut tigussaasumik ersarissarneqarnissaat anguniarlugu Rigsmyndighed aningaasaliinissa aammalu Namminersorlutik Oqartussat qanimat suleqatigalugit nalunaarusiamik suliaqassasut siunertaralugu Naalakkersuisut Rigsmyndighed attavigissagaat piumaffigineqarnissaat pillugu Inatsisartunut aaliangiiffigisassatu siunnersuut. Nalunaarusiaq piginnaasatigut ineriertortitsinissamut pilersaarummik imaqassaaq, uagut maani Kalaallit Nunaanni akisussaaffiit angerlaannissaannut piginnaasatigut pisariaqartitassatsinnik ersarissaasussanik. (Demokraatit Inatsisartut gr

146: Namminersorlutik Oqartussat Naalagaaffillu aningaasatigut inissisimanerat immikkut sammillugu, Namminersorneq pillugu Inatsi kukkunersorneqarnissaat pillugu isumaqatiginninniarnissaat aallartinnissaat anguniarlugu, Naalakkersuisut Rigsmyndighed attaveqarnissaat pillugu Inatsisartunut aalajangiiffigisassatut siunnersuut.

Nunat Avannarliit Killiit Siunnersuisoqatigiiffiannut aallartitat immikkoortup 31-ip ullumi ataatsimiinnermi suliarineqartussaagaluartup kinguartinneqarnissaanik qinnuteqaqqammerput. Immikkoortoq UKA2023-mut kinguartinneqarpoq.

Immikkoortup 31-p qulequtaraa: Nunat Avannarliit Killiit Siunnersuisoqatigiiffiata Islandimi, Kalaallit Nunaanni Savalimmuniilu suleqatigiinnermut naalakkersuisunut kaammattuutigaa Nunat Avannarliit Killiit aalajangersakkatut kaammattuutaanik nunat malitseqartitsisarnerat pillugu suleqatigiinnermut naalakkersuisut ukumoortumik nassuaateqartarnerat siusarsaqqullugu Nunat Avannarliit Killiit Siunnersuisoqatigiiffiannut ataatsimut allakkatigut nassuaateqartarnermut suleqatigiinnermut naalakkersuisut paarlakaajaallutik aqtsisuusarnerisigut.

Taasisarnerit pillugit uku akornanni isumaqatigiissuteqartoqarpoq:

Pele Broberg, Naleraq aamma Harald Bianco, Inuit Ataqatigiit